

Cuira, ils 31 da matg 2023

Communicaziun a las medias

Plima d'aur / Pledpierla

Las victuras ed ils victurs da la concorrenza da scriver 2023

Dudesch scolaras e scolars han cuntanschì l'emprim plaz en la concorrenza da scriver Plima d'aur/Pledpierla che la Lia Rumantscha realisescha mintga dus onns. Las poetessas ed ils fabulists da l'Engiadina, dal Grischun Central e da la Surselva han gudagnà en las categorias 3./4. classa, 5./6. classa, 7.-9. classa e 17-25 onns.

Cun passa 440 texts inoltrads ha quai dà in nov record da participaziun, il qual la Lia Rumantscha attribuescha surtut al grond engaschi da las magistras e dals magisters dals uffants e giuvenils participants. Las scolaras ed ils scolars da la terza fin la 6avla classa han scrit davart il tema «superforzas». Il tema per giuvenils e giuvens creschids è stà «7 minutas». Las trais giurias regionalas han pudì leger raquints d'eroxs, striuns ed animals cun superforzas e da 7 minutas ominusas, p.ex. da la prolungaziun en il final dal campinadi mundial da ballape, da las 7 minutas enta parvis u da las 7 mendras minutas da la vita. Tut en tut han las giurias giuditgà 207 texts da l'Engiadina, 61 texts dal Grischun Central e 175 texts da la Surselva. Cun passa 200 texts ladins ha quai era dà in nov record da participaziun en l'Engiadina.

Las victuras ed ils victurs da la concorrenza Plima d'aur/Pledpierla 2023 en in'egliada:

Engiadina

3./4. classa	Gianna Malgiaritta da Bever cun il text «La ferma Lina»
5./6. classa	Defila Burtel da Cinuos-chel cun il text «Superforzas»
7.-9. classa l'Engiadina»	Ursina Bonorand e Jana Hew da Guarda e Zernez cun il text «In 7 minuts tras
17-25 onns	Marchet Nesa da Scuol cun il text «L'esperienza sgrischaivla»

Grischun Central

3./4. classa	Simea Widmer da Donat cun il text «Igl supergiat»
5./6. classa	Livia Michael dad Andeer cun il text «Davent da cura savainsa striunar?»
7.-9. classa	Giuanne Nuolf da Savognin cun il text «Salvar ils Grims»
17-25 onns	Ursina Melchior dad Andeer cun il text «Satember»


Surselva

3./4. classa	Timo Manetsch da Mumpé Medel cun il text «In, dus, treis e pumal»
5./6. classa	Amélie Lynn Birri da Sagogn cun il text «Il viadi misterius»
7.-9. classa	Felissia Candinas da Surrein cun il text «Siat minutas retard»
17-25 onns	nagina participaziun

Sin www.liarumantscha.ch chatt'ins ils nums da tut las victuras e tut ils victurs (1.-3. plaz).

Surdada dals premis

Suenter la premiaziun online che ha gi lieu ils 31-05-2023 a las 10.00 datti en mintga regiun ina festina per surdar ils premis a las victuras ed als victurs:



Lia Rumantscha

- Engiadina
31-05-2023, a partir da las 17.00 en il Chastè Planta-Wildenberg, Parc Naziunal Svizzer, Zernez
- Surselva
31-05-2023, a partir da las 17.00 en il Center sursilvan d'agricultura, Via Lucmagn 31, Mustér
- Grischun Central
07-06-2023, a partir da las 17.00 en l'aula da la Scola da Ziràn

Durant questas occurrenzas en las regiuns prelegia la giuria las laudatios. Las victuras ed ils victurs survegnan in premi en furma da daners ed in regal da la Lia Rumantscha.